



皇明開國功臣錄卷三十一

定遠黃金

徐義 陸齡 陳棊 趙昇 周興 張信

陳明 吳昇 曹貴 王時 王處仁 劉才

夏松 范燧 戴宗 畢成 馬得 周成

趙實 吳濟 趙福興 劉通海 蔡天祿 孫信

陶子成 申立 鄭祿 居明 方成 李肆

黃忠 張玉 劉真 劉文 張規魯 王宏

陳慶 梁廣 方六 丁茂 方清 梅勝

陳旺 張忠 孔禮 王智 陳勝 王義

許立 趙璧 童敬 吳中 楊清 張興
夏晟 楊琥 王祥 王仁 齊六 張遇
王恣 徐用 徐敬 鍾廣 張選 邵遇春
王賈 李春 李琪 李華 鄭用 李敬
趙興 謝成 李燁 王亨 陳貴 顧勝
李廣 施文 夏旺 張文 王剛 馮勝
韓榮 蕭壽 唐彬 楊春 王興 金寶
徐義和州人父壽才略過人輕財重義賑濟窮乏有
若渴飢元末兵興遠邇騷動父子俱處兵間初從平
章也先帖不兒後因靖海侯吳禎來歸渡江克太平

定建康壽為領軍萬戶嘗以力戰創甚命義代之撫
其背曰繼吾志者汝也蓋義為子弟時慨然有大志
不管置產業剛毅正直膂力過人好讀孫吳書意有
所合則撫卷而喜平居以騎射擊劍為樂至是代父
戍江陰施設布置人咸異之吳元年從征偽吳張士
誠每戰能躍馬揮刀作虎吼突入其陣衆皆披靡決
戰之際雖矢石交集血流至踝弗顧也卒成其功繼
克明州福城延平還定昌國拔蘭秀二山洪武元年
授昭信校尉江陰衛百戶三年陞武略將軍汝寧衛
副千戶四年從克瞿塘進取西蜀五年復從岐陽王

北征沙漠賁勇深入擒獲甚衆然不妄殺掠所至人
愛戴之若父母焉又能撫恤士卒與同甘苦故得其
死力而功能益著十一年授明威將軍建寧右衛指
揮僉事號令整肅備禦有方繕脩力役勞逸適均人
心悅服二十一年卒年五十子三人信侃儀信襲父
職共武士午陞懷遠將軍建寧右衛指揮同知承襲
初調征交趾有功陞僉福建行都司都指揮事贈義
昭勇將軍如其官孫六人禎禔禔祉禔祺

陸齡國初以武功任指揮守河南府久之克慎防禦
上以勅勞之曰西嶺函東虎牢龍門襟其前黃河帶其
後四險固其守禮不言可知矣然卿戍此地勿以四
險為必然晝當勤率軍於屯所夜則慎守城隍身心
雖勞必終世而無患可為全人矣勅至嚴號令遠小
人親君子勿蔽下人功

陳某國初從征討平一江南以功歷官指揮洪武元
年山東平被旨出鎮登州時登新附適倭奴犯海
邊民心震悸某躬擐甲胄率先士卒設方略討平之
民賴以安四年移鎮東昌地當百戰之後草萊荆棘
滿望其繕城郭樹樓櫓建置倉庫奠民居列屯堡創
官署興梁脩閘座郡府一新又以北地高亢民罔知

種稻乃相地勢宜稻者近於會通河可決以灌請于
朝開稻田三百餘頃歲收米若干石一衛之衆不藉
饋餉以足國家千萬世之利在焉在鎮十有二年民
安於農軍樂於戍設施大畧類古賢方伯聲實徹于
上超遷浙江都指揮使階驃騎將軍益著威望某資稟
寬仁識量宏遠有輕裘緩帶坐鎮雅俗之風焉

趙昇鳳陽縣人國初從王師戡定寇亂屢立懋功歷
官指揮僉事洪武十四年秋隨征雲南克普定普安
曲靖明年春取大理下諸蠻部十七年調大理衛昇
性敏通經史善屬文在衛與指揮使鄭祥同心治政

並以智勇稱

周興洪武中名將也自蒙古氏入中國代宋稱號曰
元十四傳後天命歸于我

太祖元帝遁于朔漠傳子愛猷識理達臘傳脫古思帖
木兒為也速迭兒所弑其部屬皆奔散來附洪武三
十五年 朝廷遣興往討其罪追至徹徹兒山大敗
之自是不敢近邊者十餘年

張信臨淮人鷲勇善戰攻城略地有奪旗陷陣之功
丁酉年授總管從 上取婺州遂下諸暨轉攻紹興
拔三衢累勲擢金華守禦千戶調征中原破山東沂

濟等州陞青州右衛指揮僉事賜誥授明威將軍與世襲洪武中卒子某襲調廉州衛

陳明國初以戰功授千戶歲壬寅從大都督朱文正參政鄧愈等守禦洪都明年夏陳友諒寇洪都戮力捍禦乙巳冬十月信州盜蕭明率兵攻圍饒州知府陶安請救于江西行省遣明統兵往援大敗之蕭明遁去禽偽招討都海偽萬戶常勝斬之饒州遂安吳昇字彥高當塗人讀書有大志元至正辛卯天下荒彥所在盜賊蠡起溧水賊渠方楊帥五千餘人縱火劫掠延及姑孰時守城元帥募民得昇智而且勇

領郡兵與楊賊

獨擒之事聞補昇當塗縣尉以

備采石甲兵蔣

蕭三坐舳舻揚旌旗號無敵

大將軍與昇拒

時

太祖龍飛淮甸破

矣以乙未六月二日渡江進

采石，曰昇知天

仕倒戈投降

太祖喜曰吾納仁招賢共謀大事聞汝江左名賢喜今

日之諧即擢為總管昇俯伏謝曰 主公如欲取天

下莫若恤軍寬民何征不服擁入北門元守臣棄去

太祖曰吾得太平以為根本天下不足定矣把頭李震

強勇出不由命大掠良民昇請以計除之其所部招

撫數日方安時陳義陸寨江陵鎮胡同知水寨蕪湖
胡良成據溧水中丞蠻子海牙守采石四境窮蹙昇
請遍籍鄉兵選世戶吳大通朱化隆宋成等除千戶
領之居民積善悉輸入城乃設伏於襄城橋義率衆
來攻時有黃雲罩于城臯義驚回為伏兵所得姑孰
稍安秋七月同邵四東掃溧陽八月同鄂國公常遇
春招下溧水以昇父裕知溧水丙申春二月二十六
日用解解二艘以新艸灌油置砲其中火烈風猛破
蠻子海牙康茂才于采石得三百餘舡元人阻江之
勢衰矣多昇之力也三月十日擊金陵昇所排叙八

東門擒同知觀音奴命以本人銀甲綉衣賜昇十七
日隨克鎮江夏四月八日同邵四攻宜興不克五月
四日退保燕口為賊所截力戰而還秋七月同邵雄
小趙元帥討廣德時張士誠偽將李司徒來侵九月
戰于水津不克丁酉春二月裕以老致仕 上為褒
賢頌送之三月十八日昇同元帥耿炳文取常州時
江陰馬馱沙軍精悍 上重之夏五月令昇復選姑
孰民兵三千以益軍秋七月隨 上親取徽州九月
同康元帥領兵船布浮游島陣截江克馬馱沙戊戌
春三月同胡大海取嚴州九月又同克蘭溪冬十月

十八日以昇男興同將士圍安慶趙普勝因陳友諒救之不克己亥春正月 上令裕選姑孰深水寧國三處漁人為水軍以助昇隨魏國公徐達取諸暨九月同李平章討衢州庚子以昇還守姑孰五月十九日城陷于友諒昇力戰而出時友諒來逼同元帥馮勝守金陵界七月守禦廣德小趙元帥屯兵龍盤山北興屯兵虎踞城南以救十九日二人合攻圍解有銀幣之賜興復同李元帥與友諒第五宰相戰于采石死之時昇弟晟家居亦以不從友諒被殺辛丑昇自陳攻戰以來疤痕五十六處乞還兵事而以次男

振襲五月二十六日振領兵坐太字號風斗船出哨于安慶樅陽湖口與友諒兵哨舟相值殺二十餘人九月同大軍取建昌等處壬寅春正月留守江西四月十九日振戰死漳江門取衣冠葬之 御製文以祭而以并壻陳文富襲百戶丙午復以吳保代文富吳元年克平江詔以裕知府事檄至裕已物故矣冬十月 御製文以祭十二月保以勾軍不獲代戍其

后家益凋散昇三代建節見危授命而后世不錄蓋于行伍中鄉人周霖為疏其事近六千餘言今尚存傳云

曹貴果縣新安鄉人本富家兒至正庚子龍江歸附

太祖悅其驍勇命為元帥領兵從諸將征討破同安拔
江州下豫章攻滅偽漢轉戰淮東平吳取中原伐雲
南積有偉勳歷遷青州西安潮州松州普定等衛指
揮僉事洪武十九年自普定乞歸子儼襲職未幾
上復擢貴為定海衛指揮授廣威將軍副信國公鎮禦
大著聲望貴性忠亮在定海時海賊嘗竊發軍中輒
造銅牌為小校所詐 上曰軍事不可緩也諭其人
而遣之立功錫賚不一寵愛特至賜號籟口許服金
龍與公侯伍二十二年詔優老于巢烏斯道贈以詩
云爭誇白髮詩書帥自是丹心社稷臣明年儼坐罪

上思貴舊勳留其子儀等侍養儀有隱德號梅庵居士
生子亨安邑令亨生廣虞城教諭廣子琛琥同領鄉
薦琥登進士巢之武功貴之後獨以文顯云

王時國初以功授千戶為 上所信任 上遣時等

齋白金數千兩往方谷珍附搭海舟至大都體察元

朝及李察罕帖木兒李思齊等軍馬事情察罕帖木

齊自舉義破賊及敗宋將李武白不信等于陝西兵

遂大振察罕復平定山西河南分兵鎮關陝荆襄河

洛日訓練士卒圖之谷珍遣吳都事同往既回帶到馬

三十疋時既回陳友諒據上察罕帖木兒下山東遣使通

據蘇州故有北方之好國初事蹟○按通好在辛

丑年秋時雙刀趙已破此尚云扼安慶小知何據

王處仁國初隨征江南以功授鎮撫從大將軍北伐中原破沂兗青齊克汴梁拔河南轉戰河北取衛輝逐守將龍二大將乃命處仁統兵戍衛輝洪武己酉大賞守禦功賜白金文幣

劉才臨淮人至正甲午從王師克滁州渡江取太平攻集慶再隨諸將征討授元帥府副使積功陞寧國衛指揮副使

夏以松臨濠人元至正中淮右大亂寇剽竊以松舉衆蔽禦未幾移駐揚州與馬某等青軍聲勢相倚太祖保有金陵以松率所部附上嘉之命隨戰伐累

勲授千戶後卒上親為文祭之曰曩元之季海內分爭英雄者非一擅聲教罔知天命者多惟爾以松思鄉里之切遂倡義旅自維揚渡江東來助朕征行以致有功前數年福期高壽命從子襲爵使爾優游以終天年邇聞訃音一至思於相從甚致感傷今特致祭靈其不昧

范燧定遠人歲壬辰充鳳陽孫平章下右副元帥驍勇冠軍壬寅攻湖廣有功授驍騎衛百戶洪武三年進正千戶八年以累勲陞龍虎衛指揮僉事十年調平山衛十四年山海衛初設簡命署事二十九年卒

子安襲後以靖難歷陞指揮使調大同左衛孫祥襲
曾孫瑾初掌衛事正統末北門有功陞都指揮天順
成化中屢以征守勞官至左都督卒賜葬祭

戴宗濠州廣德鄉人有勇略善射至正甲午仗戈歸
太祖取滁州明年取姑熟丙申取集慶京口再征江南
累功授豹韜衛百戶擢千戶從大將取中原破齊魯
數州勲益著陞青州衛指揮僉事賜誥命階明威將
軍洪武中卒子遇襲調威海衛孫廣龍調壽州中護
衛永樂初改衛鎮南無嗣弟華襲調貴州普定衛華
子經襲調安莊衛

畢成定遠拾紫鄉人至正甲午從民兵元帥陳也先
于建康般巷丙申春三月王師至般巷幡然內附
上聞其驍勇用備宿衛調征毗陵等處屢策戰勛己亥
八月以克敵功授金吾右衛百戶自是平一江南北
伐中原咸預有勞洪武三年進西安衛正千戶十一
年從征西陲河南寶武衛指揮賜誥命與世襲十八
年卒子貴襲調定遠右衛署廣寧左衛事孫亨襲廣
寧左衛指揮僉事

馬得濠州人元季寇兵剽淮西得舉義旅捍禦久之
移駐維揚稱統軍元帥其軍號青軍有聲勢歲丁酉

太祖遣人招之得倡所部渡江來歸除揚州衛鎮撫戰
守有功洪武元年調留守左衛老病卒子雲襲十六
年陞虎賁左衛指揮僉事

周成國初從諸將戰伐以屢功歷官指揮僉事洪武
辛亥隨征南調貴州衛指揮丁巳戊午等年貴州諸
蠻反側成奉穎川侯檄與指揮楊興顏成統領官軍
戮力征進垂西克郎八保三千八萬向家及泥平乾
溪等砦黃絲等堡凡三十餘處招諭土官王萬全等
出降其餘斬梟俘獲不可勝計論功賜綵段表裏誥
授廣威將軍

趙實國初從平江淮攻拔吳會以功授千戶丁未冬
十月隨平章韓政取中原破魯地十一月庚子克滕
州先是大將軍徐達命政略榆行梁城諸鎮寨繼又
令政分兵扼黃河以斷山東援兵政乃遣實率兵略
滕州元守將楊知院驅軍民老弱嬰城固守至是聞
大將軍至楊知院遁去實遂克其城

吳汝明國初隨征以功授總管歲戊戌冬十二月從
上取婺州己亥春正月克諸暨留守禦甲辰謝再興以
諸暨叛守臣若李夢庚等皆被執汝明棄妻子走回
上嘉其忠義遇之甚厚為娶妻焉

趙福興定遠人歲甲午內附從諸將克滁和太平集慶京口等處授副千戶征進湖廣遷常德衛正千戶洪武中取普定普安善闡大理勦百夷陞大理衛指揮僉事誥賜明威將軍洪武三十二年累功擢僉雲南都司都指揮事卒子安永樂初襲雲南中衛指揮孫清正統五年襲安職

劉通海國初以戰功任千戶隨大將軍達取齊魯汴洛燕冀洪武二年正月從駐太原上遣使齎勅諭達以下諸將協和成功達得書即遣通海齎諭都督司知康茂才都督僉事郭子興且告之曰陝西潼關

三秦門戶二將軍扼而守之李思齊張思道如穴中鼠耳可坐而制若其來寇慎勿與爭鋒蓋軍卒多虞勝負難必但厲兵積糧嚴為守備候大軍至日當戮力取之三月通海從達取鳳翔思齊走臨洮思道走郿州遂進攻隴州鞏昌臨洮以及慶陽皆下之

蔡天祿國初任廣西衛正千戶洪武二年冬上思州蠻賊黃龍關作亂聚眾萬餘寇鬱林等處天祿從本衛指揮左君弼討平之三年冬溪洞蠻獠復亂攻劫居民天祿率兵往勦至四年春皆平論功賜綺帛孫信濠之太平鄉人初仕元為湖南元帥下千戶歲

乙未拔身內附扈 躡渡江取姑孰集慶等路從諸
將攻江南以精悍備先鋒戰蒙矢石不為動故嘗陷
堅丁未隨拔姑蘇縛偽吳主洪武元年除太倉衛百
戶四年遷本衛千戶十一年錄累功擢僉貴州衛指
揮事二十八年陞指揮同知調鳳陽中衛卒孫禹三
十四年襲祖職

陶子成定遠人歲甲午城口歸附與千戶姚文勝攻
克滁陽拔諸寨署百戶乙未取和州渡江取采石太
平丙申破中丞寨劄付署萬戶克建康留守禦復從
取廣德丁酉克長興張士誠遣兵入寇從擊走之攻

下徽州敗楊完者兵戊戌從攻於潛昌化獲卒數人
攻嚴州拔之己亥諸將攻餘杭子成先登中飛砲傷
左膊力痛而戰不已眾服其勇洪武元年副指揮陳
勝守禦濟南討平叛將喬僉院等斬首數千級六年
以疾卒子保孫得應世襲湖廣靖州衛百戶

申立臨淮人歲乙未和州歸附從取太平集慶鎮常
宣發諸州征進江右轉戰湖廣積功由千戶陞沔陽
衛指揮僉事洪武中卒子散襲職調甘州護衛

鄭祿定遠人智勇過人歲甲午攻滁州大柳等砦衛
擊取勝乙未簡克帳前奇字先鋒渡江屢從諸將麾

城復地攻毘陵奪江菱橋破堅壘于皖城擣江州尋
下豫章拔龍泉砦累官管軍正千戶洪武中隨征普
定盤江曲靖雲南皆克之分兵討蠻部有梟俊功陞
泰州衛指揮僉事賜誥授廣威將軍卒子臯襲永樂
初調寧遠右衛孫暹襲曾孫玘調寧夏右屯衛
居明國初以功授鎮撫歲乙巳春

太祖將經理淮甸親閱試將士命明率軍士分隊習戰
勝者賞銀十兩其傷而不退者亦勇敢士賞銀有差
且徧給酒饌勞之仍賜傷者醫藥因諭之曰刃不素
時必致血指舟不素操必致傾溺弓馬不素習而欲

攻戰未有不敗者吾故擇汝等練之今汝等之勇健若
此臨敵何憂不克爵賞富貴惟有功者得之

方成定遠人國初以義兵從 龍濟江備歷征討積
功授指揮僉事調雲南從衛于霽襲以功陞指揮使
孫玘個儻善騎射通書史未蔭而卒曾孫敬襲祖職
陞都指揮僉事故弟矩登進士任禮科給事中

李肆濠州農家子歲壬辰首起應義攻略淮西從諸
將取江左麇于毗陵回戈破寧國龍江之役戮力禦
寇隨援安豐血戰彭蠡累官懷遠衛千戶洪武十六
年錄前後功陞和州衛指揮僉事授明威將軍有誥

二十一年卒于衛無嗣義子僧保繼誥為民

黃忠滁州人忠謹有武畧甲午年歸附授管軍總管
守禦滁州尋改管軍正千戶嘗征浙西克蘇州有功
賞賚優渥洪武二年授武德將軍與葛珍呂勝祖等
仍守滁州同寅協恭聲譽益著十年五月疾終于官
太祖遣國學生劉樟諭祭曰國家平定海宇爾嘗奮力
効忠俾守滁陽二十有餘年矣何期遽此痼疾伏枕
日久已嘗遣醫調治竟尔弗廖訃音來報良用悼傷
茲特以牲醴致祭爾其享之其見重於上者如此
子補普定衛正千戶

張玉開封祥符人有智略性謹密仕元為樞密院使
本朝洪武初歸附累官燕山左護衛指揮僉事

劉真懷遠人少貧苦壬辰之變奮臂入濠以勇略事
祖被知遇授以兵諸將攻江南摧城擗邑真預有功
洎隨北征益著右績洪武中歷陞南京府軍衛指揮
僉事賜誥命與世襲以疾卒于官孫秉永樂二年調
成山衛秉子震襲成山衛僉事

劉文鳳陽縣人國初隨征討備歷險危以戰功授留
守左衛千戶洪武十八年征南還陞瀋陽衛指揮
張規魯國初以功任合肥衛千戶歲丁未姑蘇既平

隨取山東洪武改元克汴梁河洛燕晉二年春從大將拔河中鳳翔隴州秦州已而大將帥諸軍將赴鞏昌以秦州新附命規魯領兵千人守之是年冬十二月賚守禦功賜白金文幣

王宏國初以軍功授千戶歲丁未九月既平吳從大將軍北取中原洪武元年克大梁河南元都山西二年二月發太原趨下河中三月舉鳳翔尋入秦隴時諸將會師西征大將命宏將兵五百守隴州宏與規魯官同衛是年冬亦賜銀幣

陳慶定遠東城人歲甲午

征進南服摧城拔寨亦隨諸將有功北伐中原兼下齊魯洪武元年除濟南衛百戶繼遷懷遠衛千戶十四年隨取普定曲靖雲南十五年取大理復討叛蠻斬梟䟽捕十八年陞大河衛指揮僉事誥授廣威將軍二十八年調都勻衛卒子甫孫原曾孫鉞世襲都勻衛指揮僉事

梁廣臨淮人歲甲午簡充義師乙未從渡江歷征有功除五開衛正千戶陞留守後衛指揮僉事

方六定遠人乙未渡江從取集慶南徐毗陵下江右擄戰武昌討熊天瑞克贛州擢贛州衛百戶洪武元

年隨陸仲亨征廣東略定英德清遠晉江連州肇慶
席勝取德慶陞廣東衛正千戶賜誥授武德將軍後
征南道卒孫全永樂九年調雲南後衛宣德初征交
趾歿于軍曾孫瑾正統六年襲雲南後衛千戶

丁茂定遠人至正甲午城口歸附從攻椒山等砦滁
和等州太平集慶等路皆拔之進取南土轉征中原
悉隨諸將茂性勇悍臨敵軍多先嘗洪武元年由總
管擢金吾前衛左所百戶二年再以功陞滁州衛千
戶二十四年復以功陞茂州衛指揮僉事卒子傑征
交趾陣亡孫信宣德初襲祖職以征松潘麓川等處

屢殲叛蠻歷陞敘州衛指揮使

方清饒州安仁縣人曾祖隆益祖覺益俱有節行父
恢敦厚質實里稱善人與族黨通有無直鄉邦不平
事仁心義槩著聞遂適生三子清其季也幼時有善
筮者謂其後當貴顯至正壬辰兵興清聚宗族數百
人團柵以固鄉井既而歸附

本朝征伐有功初守建昌從鄂國公克荊州復從魏國
公克泰州高郵淮安又從鄂魏拔蘇湖滅偽吳從胡
平章何左丞下福建用累功官至武節將軍建寧左
衛世襲千戶致事陞府軍右衛指揮僉事調之汀州

洪武二十二年秋其長子文既襲職千戶有旨就
養子所會文以事去官之雲南清因采朝具奏厥故
非以貪墨上慨然命都府取致之未幾清引見其
子 上問曰爾以何事之雲南乎對曰以糧斛事
上即宥之 上顧清閱其老謂還襲若職乎兵曹奏清
致事流官指揮非世襲 上復謂是子而材當襲其
父官矣粵三日被命陞廣州後衛世襲指揮僉事
上謂清曰爾其挈家來京師爾雖致事尚堪從駕不必
與文俱之東廣也賜鈔五十錠為取家舟中之用清
暮年獲寵如此清性極孝至正辛巳母病劇清甫十

歲籟天割右股為糜以進而愈再壽十一年甲午父
病復割左股以食人皆難之

梅勝定遠昌義鄉人歲甲午奮起塔山從王師取滁
和及江左再隨諸將援安豐迎敵彭蠡殊死戰繼克
淮東戮力舊館積功由百戶千戶陞長淮衛指揮僉
事賜誥命授明威將軍與世襲曾孫成

陳旺定遠人初以武勇充義兵隨攻淮西渡江取江
左選備宿衛繼從諸將征討益懋戰勳歷官指揮僉
事洪武二十三年除鳳陽中衛千戶剛毅調衛寧海
張忠洪武中為大寧都司都指揮使精熟武藝勤練

士卒兵威大振民咸安堵云

孔禮定遠人偉軀黑面勇悍絕人歲癸巳倡義旅歸
太祖明年七月克滁州即署百戶乙未春取和州六月
渡江取采石太平溧陽溧水丙申二月破中丞寨三
月拔陳也先營克南臺鎮江四月下丹徒金壇自是
戰南土隨征中原摧強追北洪武二年從李文忠克
復大同禽脫列伯二年調大同守禦四年三月授大
同右衛所鎮撫七年迤北征進以獲虜功遷振武衛
鎮撫加世襲二十三年陞虎賁左衛指揮僉事賜誥
命偕明威將軍洪武末卒子輔襲謫金齒衛鎮撫孫

廣襲正統十三年有功陞本衛指揮

王智和州人甲辰年從

太祖皇帝爰刈羣雄靖謐寰宇累官至豹韜衛指揮僉
事階明威將軍父正玉封如其職母劉氏封恭人智
老致事子英襲調鎮南衛孫寧洪武二十九年襲調
淮安衛曾孫欽欽孫本世襲淮安衛指揮僉事

陳勝定遠人歲甲午塔山歸附隨湯馬戶取滁州再
取和陽繼征江南摧鋒陷敵績有戰勲授統騎左衛
百戶洪武八年調贛州衛十四年從討雲南戡定諸
蠻進宣武衛正千戶二十三年復以功陞洮州衛世

襲指揮僉事卒子榮三十年襲謫陝西行都司鎮夷
守禦千戶孫俊永樂二十年襲榮職

王義定遠鳳停鄉人初附編入行隊克滁和稍稍自
見署百夫長隨取采石太平建康鎮常寧國繼從諸
將四征歷以勇聞未嘗折北洪武元年擢金吾後衛
百戶進千戶二十七年錄舊勳陞鎮海衛指揮僉事
尋卒孫璘永樂四年襲祖職

許立定遠東城人壬辰之變從義據濠州克定遠泗
州下滁和署百戶取江東郡邑蹙彭蠡縛降武昌甲
辰編伍授管軍副千戶奮攻浙右伐中原洪武元年

十一月陞通州衛正千戶誥賜武德將軍以征劄劄
事子成襲二十七年錄年深有功陞天策衛指揮

趙璧鳳陽縣人國初隨征江南備嘗艱險授天策衛

百戶洪武七年進本衛副千戶二十七年錄年深有
功陞鳳陽中衛指揮僉事賜諡偕明威將軍未幾調
皇陵衛卒子洋襲無嗣洋弟濬代之濬子忠成化中以
練習軍政起遷中都留守司副留守

童敬定遠人歲甲午附渡江從葉國公征討以驍勇
累著戰勳已亥授驍騎衛所鎮撫兵元年論平吳功
陞應天衛鎮撫洪武十一年改府軍役衛舊惠金倉

至是痛舉遂謝職子義襲十七年詔杭州右衛二十
四年謫戍邊永樂初還職調廣寧衛

吳中鳳陽縣太平鄉人歲丙午附隨諸將備歷攻戰
克獲數多洪武元年除常德衛副千戶陞正千戶十
四年從穎川侯傅友德征雲南克普定曲靖烏撒等
處十五年五月置大渡河守禦千戶所友德調中領
兵千人守之復造舟以濟行旅中後卒于官子泰

楊清定遠人歲甲午橫山歸附簡備總旗渡江以屢
勲署總管征進雲南有功擢鳳陽衛管軍百戶進千
戶陞本衛指揮僉事洪武三十年調燕山左護衛年

子莊三十五年陞金吾左衛指揮使孫敬襲

張興定遠人塔山歸附從諸將以甲午取滁陽乙未

取采石姑孰溧陽溧水丙申攻破敵砦克金陵嗣是

自以勇戰立勲授南京錦衣衛百戶洪武二十八年

復以軍功起遷本衛指揮僉事誥授明威將軍後二

年卒子能襲調武昌左衛孫諒宣德初襲

武昌左衛僉事

夏晟濠州廣德鄉人歲甲午署總管從取和陽攻戰

江左累勲授豹韜衛百戶隨大將伐中原克汴河洛

關隴皆拔之洪武三年擢秦州衛千戶階武德將軍

二十五年錄年深有功陞雲南洱海衛指揮僉事永

樂九年卒子宿襲征交趾歿于兵孫倫十三年襲
楊璜定遠東城人力能舉五百斤歲癸巳選授先鋒
攻五河定遠克滁和姑孰建康京口常宣削平蘇湖
討中原皆有功由百戶陞河南衛正千戶洪武中卒
子義襲轉海南衛陞指揮僉事永樂改元次子禮襲
陞開平衛指揮同知孫成正統初襲指揮僉事
王祥高郵興化人至正中從

太祖奮興東征西討積功授仁和衛副千戶後調于衢
已而復調于吉子斌世其官嘗率兵征東莞山寇多
立戰功孫成十五襲斌職治兵有條理崇儒嗜學愛

血軍士尤善騎射有古良將風曾孫業陞正千戶

王仁定遠人歲甲午以義兵附乙未渡江侍從征討
屢立戰勳繼隨諸將取江右湖南自百戶陞千戶鎮
南寧卒于任子宗義年十五襲父職洪武十五年以
朝命調西河西河去南寧萬餘里間關險阻驅馳以
往未幾又自西河調肅州即古酒泉郡去玉關僅百
里北接胡虜西連犬戎為邊塞要衝之地宗義善騎
射謹操練明賞罰守禦無虞有聲邊閭云

齊六定遠人至正中從軍入淮安歲甲午自淮來附
攻戰奮勇立功吳元年姑蘇既平隋取中原破山東

諸州擢龍江右衛百戶調江陰衛再立功陞桂州衛
正千戶賜誥命授武德將軍後調金吾右衛

張遇鳳陽縣人歲壬辰從李總管攻濠西以勇略授
先鋒渡江隨克太平集慶進取江南次滅陳寇甲辰
除管軍百戶繼以平浙西討中原功洪武七年陞汝
寧衛千戶詔與世襲十一年調信陽守禦著威望以
疾卒子用襲二十五年陞本衛指揮僉事三十二年
調廣西護衛永樂六年調甘州右衛八年征黑河追
戰達賊歿于陣孫景曾孫玘俱襲甘州右衛僉事
王愆定遠人膂力絕人甲午年城口歸附取版門等

若克采石太平集慶鎮江毘陵攻偽漢從滅吳積勲
授牧馬所千戶洪武十七年調雲南馬隆守禦嘗勦
蠻寇有功加武德將軍賜誥命孫洪宣德初襲

徐用廬州合肥人元季守宣城我

太祖皇帝兵至宣率眾歸附命仍其職遂從征討以功
實授管軍百戶從守南昌造武略將軍河南衛副千
戶洪武壬戌自陳老疾子忠代之丁卯從征北虜至
哈刺哈之地還城大寧無幾調大寧備禦戊辰從征
金山之虜之為邊患者屢戰敗之獲兵馬牛輜重賜
白金鈔幣庚午運兵饟數十萬斛赴溫口遂從征乃

兒不花大敗虜衆俘獲其人口萬餘總兵遣忠護送
入關忠悉心撫卹俘者如歸陞濟陽衛世襲指揮僉
事乙亥城懷安萬全丙子率兵征北虜至驢駒河而
還丁丑往填開平後以功封永康侯

徐敬定遠人甲午年附隨取滁和攻戰江南累勲授
虎賁衛百戶洪武中陞本衛千戶賜誥與世襲子遵
二十五年有功陞陝西華山衛指揮僉事後調西安
左護衛孫祥代之曾孫繼宣德初襲改神武右衛

鍾廣定遠人歲甲午附自塔山從取滁州拔板門新
河等寨克太平定金陵攻下京口署萬戶嗣隨諸將
平一江南前克汴洛燕晉三秦之攻亦皆戮力洪武
七年實授陝西慶陽衛正千戶

張選臨淮人歲甲午歸附從諸將備歷征戰以克獲
功授百戶陞武德將軍六安衛正千戶孫琳襲

邵遇春定遠人歲甲午從取滁州乙未取采石太平
溧陽溧水恩百戶丙申破中丞水砦拔陳也先營克
金陵鎮江丹陽陞千戶遇春勇敢每戰奮不顧身故
多中傷因謝職長子保代之洪武十七年次子庸襲
嗣虎賁左衛十九年改大理衛所鎮撫二十八年謫
戍數歲還職調大嵩衛再調定遼中衛孫忠襲

王貴字俊卿江夏人父景仕元為水軍翼萬戶以寬
享長者見稱一軍察其貧窶疾病者資之衣糧醫藥
人得其歡心生三男貴其幼也少以智勇聞歲乙未
太祖渡江以其衆從授千戶累征有功甲辰編伍更授
管軍百戶調守福州坐累謫戍河州自號拙翁平生
遇敵勇撫士卒有忌處財廉子佐

李春定遠人甲午年附從諸將取江左江右淮東浙
西諸郡縣轉征中原皆預有功由百戶陞平陽衛世
襲正千戶賜誥子真洪武末陞指揮僉事孫成永樂
二十年進宣府右衛指揮同知曾孫福襲僉事

李琪字宗德滁州人幼嗜學有器識歲乙未護蹕渡
江選為參侍舍人尋陞帳前參侍官嘗從王師平兩
浙廬鄱陽克姑蘇進取中原關陝諸郡所至有功洪
武三年授帳前鎭手千戶所鎮撫後陞漢中衛鎮撫
致仕回滁水樂初授明威將軍滁州衛指揮僉事
李華定遠東城人歲甲午以義兵附從諸將攻滁和
取姑孰克集慶進征江南戰歷湖廣累功由百戶陞
副千戶洪武三年調沅州衛中所卒子讓五年襲以
功陞安慶衛指揮僉事三十五年調潁川衛孫進永
樂七年襲潁川衛僉事

鄭用廬州合肥人至正乙未自和州率先應募謹事
太祖備從征戰積功授平陽右衛百戶陞大興衛副千
戶洪武癸亥子亨襲壬申出使漢光至幹難河撫輯
韓鞞還以勞陞密雲衛指揮僉事後封武安侯

李敬定遂東城人歲甲午從取滁州藕塘乙未選授
帳前奇字先鋒取姑孰丙申克集慶京口嗣是歷攻
江南拔龍泉砦占贛州丁未授贛州衛百戶洪武三
年正月以功陞本衛千戶十一年賜武毅將軍調荆
州衛既老子潮代之二十二年調岳州衛二十六年
調松潘衛中所孫海曾孫信俱襲松潘衛千戶

趙興臨淮人歲壬辰附甲午隨張元帥攻徐州署百
戶隨耿鎮撫再成取真州乙未六月隨總兵葉瑁渡
江取采石太平署千戶丙申克中丞水砦陳也先營
南臺鎮江署萬戶皆瑁所舉陞也丁酉克長興守之
乙巳編伍史署管軍百戶吳元年十一月隨費指揮
舉餘姚拔明州十二月復隨湯大夫航海取福州洪
武元年正月克延平三月調福州守禦二年實授福
州衛管軍百戶賜綵段一四年勅授世襲賜綵段表
裏各二調橫海衛尋命往温州靜海起取水軍赴京
遂陞水軍左衛副千戶五年春調龍江衛十年有世

襲之命賜誥調安豐千戶所十二年三月領兵護送親王之國北平回于臨清操練八月以疾致其職子德二十八年陞留守中衛世襲指揮今事孫福曾孫善文孫瑛瑛子金金子輔俱前衛指揮以世美稱謝成字德用定遠人歲甲午與萬戶陶洪取泗州盱眙破雲山峇巖乙未正月從鄧愈拔和州署百戶六月渡江克米石太平八月克溧水溧陽十一月還守太平署千戶歲丙申二月蠻子海牙屯兵米石從常遇春擣敗之獲其戰艦二三月從拔陳虬營于殷巷獲卒三人乘勝克建康獲卒七人因留守禦六月復

從鄧愈取廣德歲丁酉二月克長興六月偽吳張士誠遣兵入寇從陶萬戶出城東門擊走之獲卒二人七月攻下徽州以功遷萬戶十一月苗軍楊完者盛兵薄城擇勇敢士往嘗之咸推成成率數百人橫戈鼓譟衝之衆皆辟易自相蹂躪大軍繼進遂覆其師楊完者僅以身遁論功成最受上賞歲戊戌二月從攻於潛昌化獲卒七人三月進攻嚴州拔之俄而張士誠兵圍嚴州率所部出擊追北二十里獲卒五人遂還守徽州歲辛丑八月復從鄧愈攻下樂平馳克饒州獲名馬一移兵指撫州獲其迎敵將一人卒十

五人遂得撫州歲壬寅正月從守南昌偽漢陳友諒
發精兵襲南昌成分地守寺步門寇祀寺步門成先
冒矢石與戰獲其驍將三人寺步門既捷寇兵奪氣
遂潰鄧愈言於守將大都督曰今日之戰氣吞敵者
惟成為然賜銀椀二加文錦一歲甲辰四月從攻下
吉安及泰和州十一月從圍贛州乙巳正月克之五
月克安福州還守南昌官制行實授百戶會常遇春
克襄陽 上命鄧愈鎮之以成從洪武元年別從指
揮王成下南陽進攻唐州又下遂以其兵攻泉白光
石腦等砦或諭降或進討殺獲甚衆遂盡得黃口之

地均州房州望風皆下二年制受昭信校尉襄陽衛
管軍百戶三年三月從王指揮成金州九月回守襄
陽十一月復從王指揮成嵩縣四年閏三月仍回守
襄陽四月召為虎賁衛百戶佩劔扈從八月以元從
功多超授處州守禦副千戶階武畧將軍守處之五
年領兵捕獲青田之沐溪私鬻鹽寇周大豹等四百
餘人寘于法鄉民賴之以寧又二年錫以世襲制書
換武毅將軍又三年以府軍後衛後所千戶召至京
師明年 上遣千百夫長凡二十四人督造海舟浙
江成在遣中當嚴之分水諸見遣者率縱私人凌辱

孫官榜繫後戶豪橫過取而成獨不然又從而為區
畫執事者樂致其力未半載而舟首完十七年夏從
都督孫恪捕倭寇海上秋七月有言守禦平陽先
是守平陽者以其地岸大海過於關防民舉足輒獲
戾成至一切除去遠近安之不減處州云

李燁鳳陽縣人元季為義兵萬戶歲壬辰來歸從湯
和取橫山砦得兵數多乙未渡江取太平溧水丙申
破敵砦於采石攻臺城拔之丁酉下毘陵嗣是從一
江南北伐中原所至克捷洪武二年授管軍百戶鞏
昌守禦四年調河州右衛十一年陞南陽衛千戶與

誥命未幾卒子貴十二年襲父職

王亨臨淮人丁酉年附從諸將攻略江南戮力行陣
除百戶積功陞金吾前衛正千戶賜誥命授武德將
軍洪武中卒子政代之調廣寧前屯衛正千戶

陳貴定遠人歲甲午何萬戶考材其為人以備前驅
與俱取滁州乙未拔板門寨六月渡江取采石太平
丙申破陳也先營克金陵鎮江授總管嗣是攻下毘
陵從諸將備歷征戰左膊左足右脇俱被創人皆靡
之而貴意氣自若合刃之際勇毅如初丙午十月有
言館之捷十一月隨克湖州洪武戊申擢辰州衛百

戶庚戌從征靖州蠻洞平之癸丑隨營陽侯討叛賊
調廣武衛百戶致事子斌襲乙丑之秋

上念貴舊勲特召至京陞滁州衛千戶賜誥命丁卯春
卒斌既老子恭襲調雷州錦囊守禦千戶所百戶
顧勝鳳湯縣人武勇踔絕歲癸巳即從湯大夫攻畧
淮西渡江後隨征戰吳楚浙閩之間多歷年所勞率
備至洪武五年錄前後功由百戶陞泉州衛千戶
李廣定遠人歲甲午附隨耿鎮撫攻凱里蕭家等砦
拔之丙午秋指揮耿顯忠習知其能用備羽林右衛
旗總從克舊館十一月攻下湖州丁未平蘇州洪武

元年正月授中山衛管軍百戶三月隨六軍征中原
克汴梁等城寨二年正月授昭信校尉隨常國公取
西涼又隨徐國公克鹿臺西安鳳翔時信陽等州兵
變有旨命從平章楊璟旋師討之未幾皆平回西
安守禦八月隨傅叅政復征興元九月仍守西安十
一月勅授昭信校尉與世襲四年正月中山侯征西
蜀廣從克風火山砦瞿塘關雲陽州萬州梁山州八
月調金吾左衛五年十二月調贛州衛八年二月調
羽林左衛尋改金吾前衛其進承信校尉錫制書則
十年九月也十七年三月隨總兵張都督赫轉運遼

東福州等處糧儲二十三年八月調桂林左衛右千
戶所以劓殘子敬襲敬以功陞千戶陣亡孫貴襲
施文揚之泰州人初從張士誠居行伍吳元年中山
武寧王下姑蘇文歸王隸麾下從征是年克山東擒
王宣降老保明年洪武改元從下汴梁戰河南收潼
關過衛相入河遂平元都轉真定擣太原遂擴廓帖
木兒掩其軍而有之二年從王取陝西降李思齊進
取臨洮金蘭諸處三年取定西略察罕腦兒皆預有
功拔為伍長四年從穎國公克成都五年曹國公征
和林亦在行間六年復入沙漠追北擴廓帖木兒七

年征太石崖勦故元國公驢兒八年充隊長從西師
者又三年至十五年往來之零陵覈實魚課奏減額
之半民德之十九年從穎國公征雲南二十年復征
沙漠明年入哈刺哈之地牽騎而步者六旬衆問故
文曰蓄力所以待用也衆然之時定遠侯前鋒襲見
虜營乘輅侯以後軍不繼侯衆集乃斬之文進曰若
侯後軍彼衆亦集矣譬如逐禽出其不意必掩群而
獲之侯是文言即率輕騎直擣虜營虜果奔駭遂擒
其帥俘其衆獲金寶輜重而還論功賜黃金百兩白
金倍之綺衣四襲超陞蔚州衛世襲千戶又從穎國

公北征追故元遼王軍行遽令下班師衆還文獨曰
非此用奇也即命軍士節餼糧嚴裝以俟越二日果
趨師深入掩擊虜衆直至鴉罕山文之士得足食他
隊弗如也其謀勇類如此後以功陞至浙江都指揮
同知改山東都司移鎮淮安有聲子義襲指揮使
夏旺定遠人歲甲午塔山歸附招降繆家營撫其衆
克滁州乙未取和州渡江取采石太平署百戶丙申
一月破中丞水砦獲戰艦一卒十人三月拔陳也先
營獲卒九人馬一疋乘勝克南臺鎮江署千戶是年
與湯同僉戮力攻常州丁酉三月下之陞萬戶留守

禦張士誠兵屢寇城下屢出擊敗之賜銀枕乙巳官
制行授常州衛管軍百戶丙午從伐張士誠克昇山
舊館下湖州丁未九月攻蘇州城破士誠就縛吳亡
遂從湯大夫征明州方谷珍降尋取福州洪武元年
正月克延平禽陳友定調守福州勅授承信校尉二
年加世襲子昇孫智福州衛百戶曾孫能調鎮衛
張文廬州六安人初隨義父戴雲易姓戴名文政雲
易仕元為安豐樞院同知守禦六安固鎮至正甲辰
率所部歸附 上嘉之授江西省理問乙巳二月選
文政充舍人侍執鞭簡丙午遣從徐丞相征浙西克

舊館湖州蘇州吳元年隨常平章征中原沂州益都
濟南洪武元年克東昌潁州汴梁虎牢關陝蒿汝等
州光石腦山砦彰德衛輝澤潞平陽太原二年攻河
中大興關鹿臺安西鳳翔秦州鞏昌臨洮慶陽蘭州
西河及六盤山回京仍執鞭簡三年三月命復張姓
名文除濟南衛管軍百戶勅授昭信校尉四年征迤
北惠州慶洞山小石虎滴水崖調濟陽衛百戶征松
高州擊敗驢兒國公進承信校尉五年征沙漠和林
省黑龍江十一年授世襲十四年征長砦灰山又明
年征蘆山十九年領精銳騎士齎榜文全寧等處張

諭二十年征北黃河慶州追獲果來平章敗達賊帖
木等擒之巡哨全寧大石崖回守大寧二十一年百
眼井捕魚兒海哈刺哈之地征勦殆遍二十三年復
領精銳征大麻難漢山亦都山收捕乃兒不花二十
四年又於亦都山擒野達賊釘牌及馬達賊谷孩帖
木兒等送官賜鈔錠羊酒錦衣二十五年征斡難河
上念文年深有功特令致事陞其子豫為府軍左衛千
戶明年春豫奏指揮莊成黨逆賜銀四錠鈔四百錠
衣一襲陞府軍衛指揮僉事復賜良馬金帶各一誥
後明威將軍未幾陞文為浙江都指揮僉事賜鞍馬

不服遣之任二十七年豫亦陞陝西行都司都指揮
僉事賜銀二百兩鈔三百錠緣段表裏各十羊馬各
六馳驛以往尋以公事入京復賜銀幣進昭勇將軍
二十九年文卒豫奔喪入見賜鈔錠塋地命官治葬
遣祭贈昭勇將軍是年豫領官軍備峽口三十五
年調福建都司永樂初謫行伍戍興州改戍交趾卒
子韜亦歿于交無嗣弟瑾瑾子禎禎子通通子璽
王剛定遠東城人歲乙未和州應募渡江從諸將歷
征有功洎取中原勞烈亦著洪武三年授西安衛百
戶九年陞正千戶調綏德衛子義代之義子禮

馮勝壽州人元季兵亂勝乘時即戎土師至壽州
勝奮身行陣來歸未幾從李平章克滁州乙未從王
師自和州渡江克采石入太平遂攻取金陵丁酉克
徽州婺源戊戌克昌化於潛嚴州蘭溪婺州己亥克
諸暨處州丙午克桐廬富陽餘杭遂平杭州吳元年
克温台直擣黃巖洪武元年從大軍攻取福建明年
又從征克惠州錦州大寧開平還攻大同戰敗劉平
章孔興脫列伯追至黑水河還駐北平又明年仍從
李平章征討朵兒只進克應昌追江唐平章至高州
興中還平紅羅山寨是年八月以功授百戶調守宜

與四年二月賜綵段二表裏受勅階昭信校尉仍
百戶調密雲調彭城明年從曹國公征迤北至阿魯
台禿河追勦哈剌章國公部落復還北平十一年轉
承信校尉十四年四月從魏國公征灰山還以年老
子義襲職二十年義從宋國公征大寧就彼守禦二
十三年二月從穎國公征沙漠至迤都山禽獲乃而
不花還駐開平復西路寧夏明年五月又從穎國公
征討至黑嶺鴉山等處還至金鞍子山復掠黑嶺寒
山而還又明年以資序之深陞燕山右衛正千戶進
階武德將軍後以功陞本衛指揮僉事戰歿孫凱陞

山東都司都指揮僉事守濟寧移鎮江西曾孫騰
韓榮定遠入歲乙未六月朔隨千戶韓林渡江取采
石七月營于溧水八月取溧陽丙申二月破中丞水
寨三月三日拔陳也先營十日克南臺十七日克鎮
江四月遂取金壇以屢勲授總管丙午秋有旨充
濠梁舍人踰月隨徐國公征浙西十月克舊館十一
月下湖州遂攻蘇州吳元年九月蘇州城破就撥虎
賁左衛隨曹指揮征山東洪武元年破齊魯數州二
年從歷一百八渡攻興元取安西鳳翔隨曹指揮守
禦四年春復隨曹指揮征西蜀守禦重慶九月除永

寧衛管軍百戶明年授昭信校尉卒于官子先襲
蕭壽字君美德安人年二十陳友諒起荆湖拔為萬
戶友諒寇池州太平壽皆在行日夜思自拔歸附我
朝不得聞不克如志居常鞅鞅癸卯八月
太祖親率諸將與友諒戰彭蠡湖友諒中流矢死壽同
事者率還立友諒子理于武昌壽乃乘間以所領舟
師自歸 上于禁江賜以米十石命隸鎮江翼甲辰
夏始授總旗從周指揮守嚴州乙巳四月偽吳張士
誠軍軍大浪灘其舟如織壽乘快舸挺戈而前衆皆
披靡大軍繼之士誠軍大敗追北二十里有白金之

賜八月士誠軍復犯烏石從嚴元帥出擊敗之獲戰
艦一偽萬戶一人仍賞以白金加織文丙午八月從
曹國公取桐廬富陽餘杭十一月乘勝下杭州吳元
年正月曹國奏為管軍百戶二月命下九月從永嘉
侯攻台州先登火其浮橋獲馬二戰艦二賞白金如
初台州既下分兵守黃巖水砦十一月大軍南攻福
建諸路壽由海道領舟師夾攻洪武元年春福建諸
路悉平還次金華四月海寇據昌國之蘭秀山構亂
從林都督擊走之七月復從曹國拔閩溪諸砦二年
正月進昭信校尉統於徐指揮從曹國北征則其年

二月克惠州錦州大寧全寧遂渡遼河敗慶僧國王
軍進次上都回次通州八月往援大同敗孔興脫列
伯二國公軍明年五月從擊興和應昌慶州高州分
兵援虹螺山等屯堡遂及大軍與蠻子太尉軍戰于
駱駝山而以七月還金華四年二月世襲制下賜文
錦繒各六端後二年之三月由金華移平陽十年四
月換承信校尉十四年冬與千戶馬俊出擊山寇自
平陽之林來浦越龍潭過泥輿以破吳崑砦駐小龍
銀屏砦以扼萬松林歷福寧之岑嶺吳村際頭轉而
涉瑞安之烏山萬丈林會大軍以殄餘寇凡破數十

砦斬首數百級生得偽官士卒三十人奏功賜

楮幣

唐彬滁州全椒人歲甲午正月歸附以屬耿鎮撫乙
未六月從渡江克采石太平簡授先鋒丙申克南臺
鎮江遂攻常州丁酉三月下之留守禦戍戊戌授常興
翼萬戶乙巳編伍制行更授長興衛百戶丙午十一
月取湖州吳元年九月平蘇州皆以功受賞洪武元
年勅授昭信校尉閏七月守建昌四年與世襲十二
月調守贛州八年冬卒子淵初充羽林右衛參侍舍
人十年襲杭州右衛百戶十六年征遼東二十年戰
金山一迷河追納哈出旋師守禦大寧調祥符調歸

德二十五年以資序深陞武德將軍懷遠衛正千戶
三十三年陞本衛指揮僉事孫義襲千戶征交趾歿
于昌江曾孫鏞仍千戶以在邊勦殺賊寇陞指揮僉
事進指揮同知無嗣鏞弟鎬襲懷遠衛指揮同知

湯春定遠人歲甲午從韋總管攻和州板門寨乙未
從渡江克采石太平溧水溧陽丙申攻金陵拔之乘
勝取鎮江丁酉取寧國宣城亦下戊戌隨平章邵榮
攻湖州己亥奪衢州有紹興之戰旋師遂擊安慶九
江庚子攻高郵南門辛丑克安慶江右攻入湖廣癸
卯春策應安豐因圍廬州繼隨諸將鏖陳寇于彭蠡

甲辰克廬州復援安豐乙巳取潭州等處丙午取永
新八月伐浙西舊館湖州俱下明年秋姑蘇平隨征
沂州益都濟寧洪武元年三月克汴梁留守禦九月
攻克澤潞平陽三年調守寧夏十年授慶陽衛世襲
所鎮撫十六年更授陳州衛管軍百戶二十三年陞
羽林左衛千戶明年調水軍千戶所卒子鐸孫敬俱
襲千戶曾孫彬征勦廣東蠻賊有功陞本衛指揮僉
事玄孫玉亦以平蠻功進本衛指揮使陞廣東都司
都指揮使充左叅將分守廣西卒于治所
王興濠州人歲癸巳授義兵先鋒攻略淮西渡江立

功署總管繼征吳會取中原皆預有勞洪武四年除
青州衛百戶十一年進成都後衛副千戶二十三年
遷正千戶調建昌衛又明年召赴京陞鹽井衛指揮
僉事卒于官無嗣義子王友繳誥為民

金寶定遠人歲甲午附乙未渡江取采石太平遂歷
從征戰丙午七月充宿衛舍人取杭州攻圍蘇州洪
武元年破山東郡縣克太原皆備前驅二年取陝西
調太原守禦三年六月山西行省奏為平陽衛百戶
管領土軍從之九月調守蒲州十年勅授世襲蒲州
守禦千戶所百戶十一年秋擢大興右衛副千戶明

年四月寶授又明年八月改燕山右護衛十四年征
灰山二十三年征壹都山追奔乃兒不花陞本衛正
千戶後以靖難功陞指揮僉事死事白溝河子禮襲
職以功陞武成左衛指揮使孫廣陞都指揮僉事征
麓川進都指揮使調南京錦衣衛征雲南卒曾孫鑑
襲指揮使無嗣弟鐸襲鐸子顯宗寶玄孫也仍襲指
揮使

皇明開國功臣續編卷三十二

定遠黃金

凡十五人皆起兵降附之臣有功者

竇安慶

張秉彝

潘原明

張麒

李伯昇

李質

李思齊

郭雲

黃忽都

左君弼

趙琦

楊鑑

密定

汪五十八

李觀

竇安慶初仕元為樞密僉院守婺州歲戊戌十二月
太祖率諸將親征婺州圍其城慶州叅政石抹宜孫遣

兵來援 上命胡保舍領軍擊敗之次日攻城不克
安慶兵守將治書帖木烈思不和夜遣都事丞相繼
城詣 上請降開東門納兵 上察其情許之因給
以飛字號五百入城之日於本部將帥家照證以明
順逆既入城中將士惶惑失措我師乘之遂擒帖木
烈思院判石抹厚孫及安慶等下令軍中毋得侵暴
人民大悅開設江南等處行樞密分院 上以安慶
降附之誠命為樞密同僉統兵仍守處州
張秉彛荊州石首人驍勇有智略初仕陳友諒為樞
密院同僉守韶州王師克贛州遂以其軍降授贛州

衛指揮同知仍守韶州後改廣州衛指揮同知調守
雷州脩築東洋圩岸六十餘里以捍海潮又興特呂
塘水利民甚便之海寇黑面鍾寇欽廉秉彛將兵討
捕追獲之累遷水軍右衛指揮使

潘原明揚之泰州人初與偽吳張士誠俱起鹽徒元
兵圍高郵士誠與十八人突圍出走原明及李伯昇
呂琛等與焉後仕士誠為浙江行省平章守杭州歲
丙午十一月右丞李文忠師至錢塘原明遣貢外郎
方彛詣軍門納款文忠問之對曰天兵如雷霆當者
無不蕘粉此城百萬生民間之莫不震懼及聞將軍

布德勞來雖犬弗驚皆曰王者之師也以民情如此
天意可知不如乞降有更生之望文忠遣歸明日原
明即以款狀來曰嬰城固守乃受任之當為歸款救
民亦濟時之急務竊伏自念起身草野叨位省樞非
心慕乎榮華乃志存于康定豈意邦國殄瘁王師見
加事雖貴于見幾民實同于歸義念是邦生靈百餘
萬比年物故十二三今既入于職方欲溥覃于天澤
謹將杭州土地人民及諸司軍馬錢糧之數以獻并
執叛將蔣英劉震出降凡得兵三萬糧二十一萬馬
六百疋 上以原明全城歸降民不受鋒鏑仍授浙

江行省平章其官屬皆仍守舊職士誠由是勢孤以
至於亡洪武三年既封功臣 上於原明欲優待之
命食其祿不署事子孫世襲指揮同知十一年春定
省臺等官歲祿之數原明每歲給七百五十石於官
田內取之十四年大兵平雲南擇名臣重望者鎮其
地以原明署布政使司事與梅思祖同心撫輯民夷
安之十五年十一月卒樞還賜葬鍾山之陰

張麒揚州興化人仕張士誠為左丞守湖州歲丙午
徐達常遇春率兵薄湖州敗其將尹義石清擒之遂
圍其城塞溝港以絕糧道士誠知事急乃親引兵來

後達等與之戰于阜林虜其元帥及甲士三千餘人復以降將呂珍等徇于城下城中大震麒遂舉城降上命為江西行省叅政從征有功洪武三年陞本省左丞令食其祿不視事子孫世襲指揮僉事

李伯昇泰州人初與張士誠俱起鹽徒元兵圍高郵伯昇與士誠突圍出走士誠據姑蘇以伯昇守湖州屢引兵侵毘陵長興新城皆為我師所劔後為浙江行省平章歲丙午十月徐達帥諸將攻湖州伯昇固守十一月甲申達遣馮國勝以降將呂珍徇于城下伯昇遂出降上命仍其官洪武元年進榮祿大夫

中書平章仍兼

同知詹事府事

陞二年十一月大行封

賞賜文綺及帛十六疋

上欲優待之命食中書平

章祿不署事子孫世襲指揮僉事五年命為征南右副將軍統兵討靖州五溪等處蠻寇功與江陰侯同上甚嘉之十一年定省臺等官歲祿之數伯昇每歲給七百五十石於官田內給與十三年春命往漳州理軍務未幾遣使齎符召還

李質廣東德慶人通詩經有大志以儒發身為東廣樞密院同僉元季之亂募民兵保有德慶封州二郡地洪武初款附授中書斷事遷刑部侍郎尋陞尚書

繼遷浙江行省叅知政事致仕居京師復起為靖江王右相祖春山贈嘉議大夫禮部尚書父廣孫贈中順大夫浙江行省叅政次子伯震任光祿寺丞

李思齊羅山人至正壬辰汝穎兵亂江淮諸郡皆殘破元兵致討卒無成功思齊奮義起兵邑中子弟多從之破賊事聞遂以思齊知汝寧府事於是所在義士俱將兵來會得數萬人丁酉二月破宋將崔德李武於同華等州陞四川左丞壬寅正月攻張良弼於武功不利明年夏李羅帖木兒遣竹貞襲據陝西思齊與擴廓帖木兒合兵攻貞降之乙巳六月加平章

政事邠國公丙午春與擴廓帖木兒有隙擴廓遣兵西擊張良弼思齊與良弼連兵拒之時元遣禮部侍郎滿尚賓持詔諭思齊開通川蜀道路思齊方事兵爭不奉詔洪武元年聞王師取河南即與張思道駐兵潼關以拒既而火焚思道營思齊乃移軍退守葫蘆灘遣其部將張德等守關都督馮宗異進兵攻關思齊棄關走鳳翔方其在鳳翔也 上以書諭之曰前者遣使通問至今未還豈所使非人忤足下而留之歟抑元使適至足下不能隱而殺之歟若然亦時勢之常大丈夫當磊磊落落豈以小嫌介意哉夫堅

甲利兵深溝高壘必欲極力抗我軍不知竟欲何為
昔足下在秦中人以兵衆地險而從之雖有張思道
專尚詐力孔興等自為保守擴廓帖木兒以兵出沒
其間然皆非勅敵足下當時不能圖秦自王已失此
機今中原全為我有向與足下相為犄角者皆披靡
竄伏足下以孤軍相持徒傷物命終無所益厚德者
豈為是哉朕知足下不守鳳翔則必深入沙漠以圖
後舉足下初入其地胡或面從然非我族類其心必
異據其地不足以為資失其地適足以自損使兵威
常強尚云可也倘中原相從之衆以胡地荒涼或不

樂居其心叵測一旦變生肘腋孑然孤弱妻孥不能
相保矣且足下本汝南之英祖宗墳墓所在深思遠
慮獨不及此乎誠能以信相許去夷就華當以漢待
竇融之禮相報否則非朕所知也思齊見書有降意
其養子趙琦者與其麾下誘之與西入吐蕃思齊信
之及二年三月馮宗異師至鳳翔思齊懼遂率所部
十餘萬與琦等俱奔臨洮四月大將徐達在鳳翔會
諸將議師所向諸將咸以張思道之才不如思齊慶
陽易於臨洮欲先幽州取慶陽然後從隴西攻臨洮
達曰不然慶陽城險而兵悍未易猝拔臨洮之地西

通蕃夷北界河湟我師取之其人足以備戰鬪其地
土所產足以供軍儲今以大軍感之思齊不西走胡
束手就降矣諸將然之達遂遣馮宗異將天策羽林
驍騎雄武金吾豹韜等衛將士征臨洮思齊窮蹙遂
舉臨洮降至京入見 上以其順天愛民籌筭之良
視元將倔強北奔者為優深嘉慰之命為江西行省
右丞不之官食祿于京師時擴廓帖木兒與王保保
等尚為邊患三年正月命思齊率兵同大將取道潼
關出西安以擣之四月大破擴廓軍于定西俘獲不
可勝計保保等絕塞遁去又自秦州南出一百八渡

至略陽擒元平章蔡琳遂入沔州又遣金興旺張龍
由鳳翔入連雲棧合攻興元克之還軍西安是年征
哨極于西北至冬始還論功賜文綺及帛二十四疋
尋命為中書平章子孫世襲指揮僉事 上欲優待
思齊命食其祿不視事九年卒 上親為文祭之曰
卿昔為民中原時逢世亂獨能仗義施仁挺身奮臂
率義旅以保關中臣元有年矣何元綱不振社稷陵
替卿尚能固守臣節斬我行人忠臣之義可謂盡矣
然大厦將傾非一木可支未幾胡君遁去中原之地
復我漢人朕遂為生民主當是時漢人棄丘壟從胡

為我中國仇讎至今身膏草野骨委沙漠惟卿退守
臨洮心思父母之邦義忠族類是以全境保民助我
成功今七年矣夫何久疾不痊以致長往噫握兵一
世又得善終亦人之所難卿能如是豈不美哉朕聞
卿歿不勝痛悼今遣某官以牲醴致祭卿其享之復
命其子世昌為指揮誥曰昔君天下者賞有功而官
有德聖人之心明焉歷代相承永為模範爾李世昌
年雖未冠而授兵衛之職者何蓋為爾父遭時大亂
能率眾以保關內是有民安而地闢及至胡人退諸
雄有無知者以漢人棄父母之邦遺丘壠從胡人復
襲爾惟懋哉

仇我中國皆無所成惟爾父效竇融之事帥一萬騎
及步兵之眾助朕成功至今關內之民時思之爾守
習將之籌謀以待成人而備武特授爾某官永為世
郭雲南陽人膂力過人有謀略元季之亂雲起義兵
率之保鄉郡元授以平章事 國朝平定中原河南
諸郡皆下雲獨守裕州累戰不克志存興復後以孤
軍戰敗被執 上嘉其忠義釋之授以親民政舉民
服 上奇其才擢南陽衛指揮雲築城建衛撫綏軍
民咸得其所以疾卒子洪任指揮僉事賜誥曰昔之

若天下者非忠義之士弗成故所以漢高帝美雍齒而斬丁公者是也曩者郭雲出自農家因元國亂帥義旅保鄉里受元平章事彼時中原皆為吾所有其雲獨保裕州疊諭不服累戰不屈必欲有為奈何勢孤援絕陣敗被獲終無善言自將必盡為所守者慎羈不能自為解至朕前當是時朕嘉其忠義撫以存生授以有司之職以觀設施是後不終任而民稱頌方知才兼文武特授南陽衛指揮執事命還鄉里戢兵備禦南陽到任之後軍民樂業深體朕懷奈何一疾長往惟存長男郭洪年方十有三歲性頗聰明其

郭雲雖無開國之功而忠義凜然今既去世可以子洪入開國功臣之列授以宣武將軍僉飛熊衛親軍指揮使司事世襲其職宜令中書奉勅母稽早為到任爾洪母狎小人勤習武事以備長成庶稱朕委任之意爾惟懋哉

黃忽都字朝顯思明人元思明路總管擢廣西兩江道宣慰使司都元帥武宗子也弱冠而孤時方大亂鄰寇陸梁鎮之以靜撫民治兵以俟天命後三年為洪武戊申國朝兵下廣東轉指南寧即遣送印章受約束以歸民皆安堵不知有兵明年己酉詔以思

明路為府賜誥命印章俾知思明府階朝列大夫忽
都益自奮為國保障邊夷憚之戒莫敢犯暇則與其
屬人講習禦侮其屬人皆親附之境内晏然又十八
年為洪武丙寅十萬山象出害民稼穡詔兩通侯率
兵二萬餘驅而捕之侯建議立馴象衛思明府率其
民助治城塹嚮導山險峻除獸害未幾得白象以獻
祖賜賚之甚厚因言地瘠僻遠不足立衛又明年有
詔遷衛橫州又明年己巳三月二十日忽都卒年四
十三子廣平廣成相繼襲知府孫瑛丘溫衛指揮
君弼廬州人元季壬辰羣雄倡亂君弼黨于彭祖

聚眾數千未幾彭祖敗君弼獨據廬州

大祖遣將征之不克癸卯三月偽吳將呂珍引兵寇安

豐君弼助之上怒帥諸將擊珍敗走遂攻廬州圍

之三閱月城將下適陳友諒寇洪都急上命解圍

援洪都友諒既滅復攻廬州君弼窮蹙棄城走汴梁

元將李克彞使守陳州吳元年二月上遣使陳何

以書諭君弼曰曩者兵連禍結非一人之失予勞師

暑月與足下從事足下乃舍其親而奔異國是皆輕

信群下之言以至於此雖悔何及今足下奉異國之

命禦彼邊疆與予接壤若欲獻計帥師侵境其中輕

重自可量也且予之國乃足下父母之國合肥之城
乃足下丘壠桑梓之鄉寧不思乎天下兵興豪傑並
起豈惟乘時以就功名亦欲保全父母妻子於亂世
足下以身為質而求安於人既已失策復使垂白之
母糟糠之妻獨居寡處各天一方朝思暮望以日為
歲足下縱不以妻子為念何忍忘情於老親哉功名
富貴可以再圖生身之親不可再得足下能留意於
是幡然而來予當盡棄前非仍復待以故舊則足下
於天理人心舉無不順矣君弼得書猶豫不能決

上乃歸其母於陳州君弼感泣洪武元年王師平山東

西指汴洛君弼納款降

上命為廣西衛指揮僉事

君弼自效從征克捷二年冬十月左江上思州蠻賊

黃英傑聚眾萬餘寇鬱林州知州趙鑑同知王彬集

民丁拒守賊攻圍半月不下廣西海北等衛官軍來

援賊夜遁追至上思州境破之賊走還仍聚結不解

事聞上命君弼為副總兵討捕英傑與其弟英覽

逃之十萬山七洞口君弼追擊之英傑陣死英覽就

俘斬餘撫安之自是兩江撞酋膽落矣四年春又以

平溪洞蠻獠有功賜綺帛二十疋

趙琦狀道人一名脫帖木兒呼為趙脫兒世為元土

官李思齊鎮秦中琦為養子思齊愛其勇略戰則以備前驅從思齊守潼關移守鳳翔洪武二年鄂公常遇春取鳳翔思齊與琦俱奔臨洮琦避匿山谷間都督馮宗異率師往臨洮思齊降琦亦來歸遂以琦為臨洮衛指揮統兵守禦自是累著戰績十年夏隨討蕃部川歲有功 上遣使齎勅勞之曰西戎北虜頑不遵化每調兵討皆俘獲來獻雖節次總兵官運謀籌筭及諸舊將用命以致如是其指揮趙琦世為藩將累朝皆有勲而致名今琦自歸附以來奮身將隊北征剽罕腦兒西征甘肅又西南追伐朵兒只巴於

安定王地方今遍南征川歲皆從征勤勞特差內官前去有官羊所在令留二百錠賜與之所司

奉衛

楊鑑宋播州安撫使贈左衛大將軍忠州防禦使追封威毅侯璨六世孫也楊氏自宋元以來世以勲勞授贈名爵至正初有名嘉貞者為播州等處管軍萬戶侍衛親軍都指揮使上護軍進湖廣行中書省左丞鑑嘉貞從子洪武初率其屬張坤趙簡來朝授宣慰使賜勅獎諭俾其永堅臣節繼是隨王師討平叛寇洪武中穎川侯傅友德等征雲南 上遣使齎勅符諭鑑曰曩者元綱不振亂兵四起四海之民不逞

安慶朕既混一寰宇四征弗庭蠻夷酋長罔不稱臣
入貢其或志在偵伺未篤事大之誠徒取禍敗爾鑑
世守播州作朕藩屏今大軍南征多用戰騎爾當以
馬三千率酋兵二萬為先鋒以表爾誠符至奉行毋
違朕命未幾雲南平鑑預有功焉後卒贈懷安將軍
子昇襲職泣政勤敏邊境綏寧未樂初請開學校薦
士典教州民益崇習詩書禮義

密定元順元等路金筑長官洪武四年來歸十年改
其治為金筑安撫司屬四川貴州衛軍民指揮使司
十四年上命穎川侯傅友德等統大軍征南密定

獻馬五百疋

上遣使齎勅符勞之曰西南諸夷雖

曰歸附然不過暫入貢而已爾密定首獻馬五百疋
以助征討其誠可嘉故特遣使往諭候班師之日重
勞爾功

汪五十八阿速人習其國書入大學粗涉傳記頗淳
謹元徙漠北為平章政事洪武二十年納哈出就降
其衆咸附五十八亦帥衆來歸上歷官之四品親
製誥辭兼譯其國書賜之曰古之人有能順天之道
不驅兵以應鋒鏑而保衆者不惟名顯當時抑且福
延後嗣朕觀載籍豈一二人爾五十八自元運告終

屯于沙漠曩者命將巡邊師臨瀚海爾知天命有歸
兵不血刃中心誠服而來朕甚嘉焉今特授爾明威
將軍僉河州衛指揮使司事俾享天祿爾宜敬慎厥
職益堅來附之誠則神人鑒悅身家永昌矣敬哉毋
怠賜姓汪從傳穎公征阿者失力八禿從李曹公征
打里番又從征文縣上下山阪五十八本長于騎射
然亦有功李曹公又遣收馬于山後番番民爭出馬
洪武戊寅十二月赴召還京師輿疾即行道卒長安
初 上優之不令預政五十八亦恬退不爭用能保
其終始云子四人

李觀河西壽州人初名觀音保任元雲南行省右丞
洪武十四年十二月征南副將軍藍玉沐英師至雲
南之板橋觀音保遣人納款舉城歸附十五年三月
從大軍征進大理金齒等處所向有功九月復從定
雲南叛夷十六年三月征南將軍傅友德遣人送觀
音保至京獻馬一百七十七匹

太祖嘉之賜鈔錠仍賜其家屬衣服尋命為金齒衛指
揮使往鎮其地兼署永昌府事賜姓名李觀既至宣
朝廷德意綏撫邊夷土酋段惠作亂率兵捕獲之招
徠反側逾年始定乃相永昌壤地與八百緬車里夫

牙相制諸蕃人面獸心闕伺我勢非威不畏于是恢
將令脩軍律城其故址創安邊定遠樓以鎮之節奉
太祖獎諭觀固守忠誠名播蠻中諸夷懷德若欲行號
令制服恃功放肆之徒必儲傑嚴武至今人頌其美
云

皇明開國功臣續編卷三十二終

右開國功臣錄三十一卷續編一
卷金所撰也凡歷數寒暑始就緒
蓋昔游學官每聞鄉郡歲開
國事勦輒爭先求讀之時已有志
纂著特妨於舉業及入官文選公
務鞅掌復為閣筆暨轉勳部乃以
暇日稍為之而一卷二卷六卷十
六十八卷成矣俄而隨牒西度奔

涉畏途繼罹多故又閣筆數祀比
來解官結廬泉山始獲以年昔以哀
及近以聞盡為之自三卷以至三十二
卷皆成焉初成五卷有好義者即取
而刻之洎今所刻蓋兩舉工矣以所
聞有蚤暮所刻有後先故較次未當
非敢截然以卷第優劣觀者當以意
會大抵是錄主功而尤以忠義為

重所以示勸也彼忠義有虧親陷
叛逆功雖高不錄其有功高且忠義當
錄弗錄者則限于不知非敢故遺自蹈
不韙幸望博雅君子嗣而足之匪但以
表臣貞慰泉魄而公善天下亦當然
也夫功論開國乃及細微何耶是狂
論日月不遺衆星舉嵩泰不遺群阜
兼收並蓄固紀善之道且如造周興

漢世之論者知十亂三傑而已夫孰知其凡策勳行陣之間不在封侯之列或名存而事功無徵或身歿而姓氏俱泯者為不少哉金每有慨於斯類故所錄弗敢太畧况我

皇明之興海內文武智力之士群起應會各罄所長然後得以共成對天之宏烈曠古莫倫備而錄之固宜矣而

幸安能錄之盡哉是編再刻於廬郡守馬公金臨淮令吳君九功定遠縣丞王俊主簿溫瓚皆嘗捐俸助費書則以付吾姪生負清甥儒士周鳴鳳門生上舍馬翺三手並作云金謹識

書開國功臣錄後

夷主華天地古今一大亂也三綱滯九法斁禍變極矣
上天鑒憤生中國

大聖人為君大英賢為臣相與戡定之而大治焉此氣
數也亦理也蓋非

大聖不足以定大亂非大英賢不足以輔

大聖非大英賢輔大聖定大亂不足以成大治非大

治成不足以言大功論乎是則我

朝開國諸臣之功可評騭矣夫華夷之辨天造地設故
春秋謹之必內華而外夷貴華而賤夷華以主夷然

後冠屨之分定順之則治逆之則亂自古帝王統御寰宇無非此定分者元之興實倒置而政復純穢濁亂海內塗炭生民是故

聖祖之弔伐有不容已諸臣之功所由以大也自漢以來開國之臣功非不隆然而攘夷狄平僭亂除暴救民名義之正未有如我

朝諸臣者故諸臣功視歷代開國之功實相萬焉夫以勝國之季群雄鷓張海宇幅裂孰謂天下唾手可取諸臣乃翊

聖祖以仁義誓師統紀既明所向自服而又濟之以謀勇申之以忠義是以揚旗馬南國定卷甲馬中原平由是開拓極于四方遂使

國家一統之盛開闢以來所未有華夷以辨綱常以復中國以尊萬邦以寧英賢之輔

神聖乘昌運以成功得非千載一時理數有定者乎於乎至矣夫大功所以關世教也宜託簡書垂示永久願自洪武迄今百三十餘年

國史之外未聞有為之撰次者非但窮鄉下里之士邈無知聞雖通都大邑庠校章逢慕功論世者亦無所考見不亦太平一缺典乎吾仲父東澗先生每以

為憾窮蒐力索所得頗衆更加考訂緝為列傳且以
備史氏之采錄間以彙視清俾騰正焉清仰而歎曰
何勛勞之盛一至是哉是誠不可但已爾也仲父嘗
語清曰紀大事者必有史才斯優為之子所紀無體
無義例無辨博之識馳騁之文故舛謬無補徒為史
家一贅疣而奚取哉彼猶有漏略者汝其就正博雅
續為備之吁是豈清所能預哉特以仲父用心之勤
有人不及知而清獨知之者故識于末簡以見是編
之成有非易者焉定遠後學黃清拜手謹書



跋功臣錄後

定遠黃少叅良貴嘗著開國功臣錄
鏤梓藏于其家而未傳良貴既卒今
大司馬白巖喬公時為大宗伯與之
有同榜之好感其歿而念其用志之
勤將遂無傳為可惜也以宏在屬下
職司本部書籍爰命移文定遠取歸
諸部由是留都士夫及四方之人始

得盡閱其書而良貴數十年著述之
勞得吾白巖公而始暴揚於天下在
良貴可謂沒身之幸也矣公初改兵
部時嘗命宏謹視之今逾年而宏亦
出叅外藩因匱致

國學庶有所典守以永其傳亦不負
於公之初心云

正德丙子孟秋古棠後學黃宏跋



